

**OSNOVNI SUD BRČKO DISTRIKTA
BOSNE i HERCEGOVINE**
Broj: 96 0 K 000638 09 K
Brčko, 01.04.2010.godine

OSN. SUD
BRČKO 4

U IME BRČKO DISTRIKTA BOSNE i HERCEGOVINE!

Osnovni sud Brčko distrikta Bosne i Hercegovine po sudiji Avdić Muhamedu kao sudiji pojedincu, uz sudjelovanje Bradonjić Nade kao zapisničara, u krivičnom predmetu optuženog G. A., zbog krivičnog djela – izazivanje nacionalne, rasne i vjerske mržnje, razdora ili netrpeljivosti - iz člana 160. stav 2. u vezi sa stavom 1. Krivičnog zakona Brčko distrikta Bosne i Hercegovine i krivičnog djela – izazivanje nacionalne, rasne i vjerske mržnje, razdora ili netrpeljivosti – iz člana 160. stav 1. Krivičnog zakona Brčko distrikta Bosne i Hercegovine, odlučujući po optužnicama Tužilaštva Brčko distrikta Bosne i Hercegovine broj: T18 0 0000171 od 09.10.2009.godine i T 18 0 KT 000189 09 od 21.10.2009.godine, nakon održanog usmenog, glavnog i javnog pretresa u prisustvu tužilaca Kusturica Senade i Stjepanović Gojka, optuženog G. A. i njegovog branioca Stojaković Borislava advokata iz Brčkog, dana 29.03.2010.godine donio je, a dana 01.04.2010.godine u tužioca Tepavčević Vladimira i optuženog G. A., a u odsutnosti njegovog branioca Stojaković Borislava advokata iz Brčkog, javno objavio

PRESUDU

Optuženi G. A., zv. «L.», sin B. i majke S. dj. I., rođen ... u Brčkom, nastanjen u ulici ..., Brčko distrikt BiH, Srbin, državljanin BiH, JMBG: ..., po zanimanju student, neoženjen, pismen, završio Gimnaziju, nije služio vojsku, ne vodi se u vojnoj evidenciji, srednjeg imovnog stanja, neosuđivan, protiv njega se ne vodi postupak za drugo krivično djelo,

KRIV JE

Što je:

1. Dana 18.08.2009. godine u vremenskom periodu od 02,00 do 02,30 sati u ulici Konačko Brdo, Brčko distrikt BiH, s ciljem izazivanja nacionalne i vjerske mržnje među konstitutivnim narodima koji žive u Brčko distriktu, došao do metalne ograde kojom je ograđeno dvorište i vjerski objekat "Atik Savska džamija", te istu preskočio i došao do munare, te upotrebom komada crnog drvenog uglja napisao štampanim ćiriličnim slovima "krst sa četiri slova S" i "nož, žica, Srebrenica" s tim što je zadnje slovo u riječi "nož" koristio i kao početno slovo u riječi "žica", pri čemu je prouzročio materijalnu štetu na navedenom objektu u iznosu od 1.643,82 KM, nakon čega se udaljio, te ponovo preskočio navedenu ogradu i tom prilikom zadobio povredu dlana lijeve ruke u vidu ubodne rane, a zatim se udaljio u nepoznatom pravcu,

dakle, javno izazvao nacionalnu i vjersku mržnju među konstitutivnim narodima koji žive u Brčko distriktu pri čemu je učinjeno oštećenja tuđe stvari,

GRAFIT NA
DŽAMIJI

2. Dana 09.10.2009.godine oko 11.00 časova u Brčkom u ulici Vase Pelagića u blizini Druge osnovne škole, maloljetnim učenicima te škole L.N. i T.A. dao iz ruke u ruku, 6 komada letaka formata A4 sa sadržajem:

Brčko. D.C.

Grad je spao na setaliste i park, jer
 ceka se mrak. Za petaka zarada
 laka. Svaka hoće da se sagne za
 malo kesa, a hoće i da mesa, ali da
 padne mraka, da je ne vidi
 majka. Niko neće posteno da
 radi, lopovska se karijera
 gradi. Murija, ništa ne radi, parama se
 od droge sladi. Onaj debeli balija se
 nakrao kesa, sad mu u krilu
 maloletnica mesa, bez imalo
 vesa, Djapo je uradio šta je trebo, nas
 srbe je sjebo. Ono malo muslimana i
 hrvata treba zaklat oko vrata. Ako
 provire glavu, samo ako provire u
 sprsko glavu, treba im tela odma u
 Savu. Brčko je bilo i ostace nase, jer
 nas ima vise, i svi nas se plase.

koje je prethodno, lično napisao, a potom umnožio u knjižari «Vizija» u Brčkom, čiji sadržaj su učenici na glas pročitali pred više učenika te škole, a kasnije o svemu tome obavijestili svoju nastavnicu,

dakle, javno izazivao nacionalnu mržnju, razdor i netrpeljivost među konstitutivnim narodima koji žive u Brčko distriktu,

čime je počinio produženo krivično djelo – izazivanje nacionalne, rasne i vjerske mržnje, razdora ili netrpeljivosti – iz člana 160. stav 2. u vezi sa stavom 1. Krivičnog zakona Brčko distrikta Bosne i Hercegovine,

pa ga sud primjenom navedenih zakonskih propisa, te članova 7., 42., 43., 49. i 55. Krivičnog zakona Brčko distrikta Bosne i Hercegovine,

OSUDJUJE

KAZNU ZATVORA U TRAJANJU OD 1 /JEDNE/ GODINE

Na osnovu člana 57. Krivičnog zakona Brčko distrikta Bosne i Hercegovine, optuženom se u izrečenu kaznu zatvora uračunava vrijeme provedeno u pritvoru od 09.10.2009.godine od 20.00 časova do 04.11.2009.godine.

Na osnovu člana 78. stav 1. Krivičnog zakona Brčko distrikta Bosne i Hercegovine od optuženog se oduzima šest komada letaka formata A4 sa natpisom uvredljivog sadržaja, a kao predmeta nastalih izvršenjem krivičnog djela.

Na osnovu člana 188. stav 1. Zakona o krivičnom postupku Brčko distrikta Bosne i Hercegovine optuženi je dužan platiti troškove krivičnog postupka u iznosu od 766,00 KM i

paušal za rad suda u iznosu od 100,00 KM, sve u roku od 15 dana po pravosnažnosti presude, a pod prijetnjom prinudnog izvršenja.

Na osnovu člana 198. stav 3. Zakona o krivičnom postupku Brčko distrikta Bosne i Hercegovine optuženi se obavezuje da na ime imovinsko pravnog zahtjeva kao i naknade štete isplati oštećenom Medžlisu Islamske zajednice Brčko iznos od 1.643,82 KM u roku od 30 dana od dana pravosnažnosti presude, a pod prijetnjom prinudnog izvršenja.

O b r a z l o ž e n j e

Tužilaštvo Brčko distrikta Bosne i Hercegovine optužnicom broj: T 18 0 0000 171 od 09.10.2009.godine optužilo je G. A., zbog krivičnog djela – izazivanje nacionalne, rasne i vjerske mržnje, razdora ili netrpeljivosti – iz člana 160. stav 2. u vezi sa stavom 1. Krivičnog zakona Brčko distrikta Bosne i Hercegovine, a optužnicom broj T 18 0 KT 0000180 09 od 21.10.2009.godine za krivično djelo – izazivanje nacionalne, rasne i vjerske mržnje, razdora ili netrpeljivosti iz člana 160. stav 1. Krivičnog zakona Brčko distrikta Bosne i Hercegovine.

Na glavnom pretresu održanom kod ovog suda dana 01.12.2009.godine sud je donio rješenje kojim je izvršio spajanje krivičnih postupaka optuženog G. A. i to 96 0 K 000638 09 K sa postupkom 96 0 K 001306 09 K koji će se voditi pod poslovnim brojem 96 0 K 000638 09 K.

Kod navedenih optužnica ostali su do završetka glavnog pretresa tužilac Stjepanović Gojko i tužiteljica Kusturica Senad predlažući u završnoj riječi da sud optuženog za navedeno krivično djelo oglasi krivim i osudi po Zakonu.

Ispitujući osnovanost optužnice sud je proveo dokazni postupak saslušanjem svjedoka mldb. T. A., svjedoka mldb. L. N., svjedoka G.O., svjedoka R. M., svjedoka mldb. G. E., svjedoka J. S., vještaka medicinske struke G. dr. P., vještaka građevinske struke B. Z., svjedoka T. D., punomoćnika Medžlisa Islamske zajednice Brčko Mulahalilović Osmana advokata iz Brčkog, svjedoka B. M., svjedoka B. S., optuženog G. A. u svojstvu svjedoka, te izvršio uvid u pismenu dokumentaciju priloženu u spis i to u službenu zabilješku Policije Brčko distrikta broj: 14.02-04.2-1420/09. od 09.10.2009.godine, u službenu zabilješku Policije Brčko distrikta BiH broj: 14-01-04-8674/09. od 09.10.2009.godine, u naredbu Tužilaštva Brčko distrikta Bosne i Hercegovine broj: KT 397/09. od 25.08.2009.godine, u zapisnik o dobrovoljnoj predaji predmeta Policije Brčko distrikta BiH broj: 14.02-04.2-199/09. od 19.08.2009.godine, u zapisnik rekonstrukcije – pokazivanja lica mjesta Policije Brčko distrikta Bosne i Hercegovine broj: 14.02-04.2-1199/09. od 19.08.2009.godine, u izvještaj o KT pregledu lica mjesta događaja Policije Brčko distrikta BiH broj: 14.02-04.4/4 KT -568/09. od 18.08.2009.godine, u zapisnik o uvidjaju Policije Brčko distrikta BiH broj: 14.02-04.2-1199/09. od 18.08.2009.godine, u naredbu Tužilaštva Brčko distrikta BiH broj: KT 397/09. od 20.08.2009.godine, u obavještenje o lišenju slobode osumnjičenog lica Policije Brčko distrikta BiH, u zapisnik o pretresanju lica Policije Brčko distrikta BiH broj: 14.02-04.3-498/09. od 19.08.2009.godine, u izvještaj o izvršenom pretresu Policije Brčko distrikta BiH broj: 14.02-04.3-498/09. od 19.08.2009.godine, u službenu zabilješku Policije Brčko distrikta BiH broj: 14.02-04.3-498/09. od 19.08.2009.godine, u potvrdu o prijemu osobe lišene slobode u pritvor Policije Brčko distrikta BiH broj: 14.02-04.3-498/09. od 19.08.2009.godine, u potvrdu o lišenju slobode Policije Brčko distrikta BiH broj: 14.02-04.3-498/09. od 19.08.2009.godine, u službenu zabilješku Policije Brčko distrikta BiH broj: 14-01-04-2-7010/09. od 18.08.2009.godine, u službenu zabilješku Policije Brčko distrikta BiH broj: 14.01-04-7042/09. od 18.08.2009.godine, u službenu zabilješku Policije Brčko distrikta BiH broj: 14.01-04-7043/09. od 18.08.2009.godine, u službenu zabilješku Policije Brčko distrikta BiH broj: 14.01-04-2-1065/09. od 18.08.2009.godine, u zapisnik o dobrovoljnoj predaji predmeta Policije Brčko distrikta BiH broj: 14-02-04.2-199/09. od 20.08.2009.godine, u naredbu o deponovanju predmeta Policije Brčko distrikta BiH broj: 14.02-04.2-9330/09. od

21.08.2009.godine, u službenu zabilješku Policije Brčko distrikta BiH broj: 14.02-04.2-1199/09. od 21.08.2009.godine, u izvod iz kaznene evidencije za optuženog Policije Brčko distrikta BiH broj: 14.02-04.5/1-756/09. od 20.08.2009.godine, u zapisnik o prikupljanju izjave od Babić Mirka od 20.08.2009.godine, u letak formata A4, komada šest, u pismeni nalaz i mišljenje stalnog sudskog vještaka građevinske struke B. Z., u pismeni nalaz i mišljenje vještaka medicinske struke G. P. neuropsihijatra, u zapisnik o prepoznavanju lica od svjedoka T. A., u zapisnik o prepoznavanju lica od svjedoka L. N., u rješenje Osnovnog sud Brčko distrikta BiH broj: Kpp 1/09. od 10.10.2009.godine, u rješenje Osnovnog suda Brčko distrikta BiH broj: 96-0-K-001306 09 Kps od 04.11.2009.godine, u izvod iz matične knjige vjenčanih od 10.01.1987.godine, u uvjerenje o upisu optuženog na fakultet, u fotodokumentaciju Policije Brčko distrikta BiH broj: 14.02-04.4/6-860/09. od 20.08.2009.godine, u fotodokumentaciju Policije Brčko distrikta BiH broj: 14.02-04.4/6-860/09. od 20.08.2009.godine, u fotodokumentaciju Policije Brčko distrikta BiH broj: 14.02-04.4/6-861/09. od 20.08.2009.godine, u fotodokumentaciju Policije Brčko distrikta BiH broj: 14.02-04.4/6-859/09. od 20.08.2009.godine, u fotodokumentaciju Policije Brčko distrikta BiH broj: 14.02-04.4/6-857/09. od 20.08.2009.godine, u fotodokumentaciju Policije Brčko distrikta BiH broj: 14.02-04.4/6-1062/09. od 21.10.2009.godine, u fotodokumentaciju Policije Brčko distrikta BiH broj: 14.02-04.4/6-1064/09. od 21.10.2009.godine, u fotodokumentaciju Policije Brčko distrikta BiH broj: 14.02-04.4/6-1065/09. od 21.10.2009.godine, u fotodokumentaciju Policije Brčko distrikta BiH broj: 14.02-04.4/6-1063/09. od 21.10.2009.godine, pa je cijeneći sve provedene dokaze pojedinačno i u njihovoj međusobnoj vezi uvjeren da izvedeni dokazi utvrđuju da je optuženi počinio krivično djelo za koje je optužen i to na način kako je opisano u izreci ove presude.

Optuženi G. A. dajući svoj iskaz u svojstvu svjedoka u ovom predmetu u potpunosti je priznao izvršenje radnji koje su mu optužnicama stavljene na teret. Priznao je da je dana 18.08.2008.godine u vremenskom periodu od 02.00 do 02.30 sati u ulici Konačko brdo Brčko distrikt BiH došao do metalne ograde kojom je ogadjeno dvorište Atik Savske džamije, nakon čega je istu preskočio i došao do munare, a potom komadom crnog drvenog uglja napisao štampanim ćirilničnim slovima, «krst sa četiri slova S i nož, žica Srebrenica» s tim što je zadnje slovo u riječi nož koristio i kao početno slovo u riječi žica. Takodjer, priznao je da je dana 09.10.2009.godine oko 11.00 sati u Brčkom u ulici Vase Pelagić, u blizini II Osnovne škole, dao iz ruke u ruku šest komada letaka formata A4 mldb. učenicima mldb. L. N. i mldb. T. A. sa sadržajem kako je to navedeno u izreci ove presude.

Kada su u pitanju radnje opisane pod tačkom 1. izreke ove presude priznanje optuženog potvrđuje se zapisnikom o rekonstrukciji – pokazivanju lica mjesta od strane optuženog, izvještajem o KT pregledu lica mjesta događaja, zapisnikom o uvidjaju, fotodokumentacijom koja opisuje povrede na ruci optuženog, fotodokumentacijom sačinjenom povodom rekonstrukcije događaja, fotodokumentacijom ispisanog uvredljivog sadržaja, te djelimično iskazima svjedoka T. D. i B. M..

Da je ispisivanjem grafita na munari Atik Savske džamije prouzrokovna šteta u iznosu od 1.643,82 KM proizilazi iz nalaza i mišljenja vještaka građevinske struke B. Z..

U pogledu radnji pod tačkom 2. izreke ove presude priznanje optuženog potvrđuje se iskazima svjedoka mldb. T. A. i mldb. L. N. koji su potvrdili da im je optuženi dao šest letaka sa ispisanim uvredljivim sadržajem a koji su prilikom prepoznavanja lica u Policiji Brčko distrikta BiH potvrdili da je optuženi lice koje im je dalo navedene letke. Svjedokinja mldb. G. E. je potvrdila da su njoj letak koji joj je predočen od tužioca donijeli mldb. T. A. i mldb. L. N.. Svjedok J. S. potvrđuje da je pronašao letak za kojeg je optuženi priznao da je napisao pored žive ograde do kućnog broja 6 II Osnovne škole. Takodje svjedokinja R. M. potvrđuje da joj je učenica mldb. G. E. donijela letak na kojem je ona napisala «L.».

Priznanje optuženog potvrđuje se i fotodokumentacijom na kojoj je prikazano mjesto gdje je pronađen letak i sadržina istog, te fotodokumentacijom sačinjenom prilikom

prepoznanja od strane mldb. T. A. i L. N.. Sud je cijenio i iskaz svjedoka G. O. i B. S. i isti je ocijenio kao nebitne za ovaj krivični postupak, jer svjedoci nemaju saznanja o krivičnom djelu koje je optuženom stavljeno na teret.

Sud je prihvatio iskaz optuženog dat u svojstvu svjedoka kao i iskaze svjedoka R. M., mldb. G. E., svjedoka J. S., svjedoka T. D., svjedoka B. M., vještaka građevinske struke B. Z., kao i pismenu dokumentaciju jer su navedeni dokazi u saglasnosti jedni sa drugim i jedni druge potvrđuju.

Nakon analize ovako provedenih dokaza, sud je utvrdio da su se u radnjama optuženog G. A. opisanim u tački 1. i 2. izreke ove presude ostvarila sva bitna obilježja produženog krivičnog djela – izazivanje nacionalne, rasne i vjerske mržnje, razdora ili netrpeljivosti – iz člana 160. stav 2. u vezi sa stavom 1. Krivičnog zakona Brčko distrikta Bosne i Hercegovine.

Optuženi G. A. je javno izazvao nacionalnu i vjersku mržnju među konstitutivnim narodima koji žive u Brčko distriktu, pri čemu je učinjeno oštećenje tuđe stvari.

Optuženi je krivično djelo počinio sa direktnim umišljajem jer je bio svjestan svog djela i htio njegovo izvršenje, a pri tome njegova uračunljivost i pod uslovom da je bio alkoholisan po tipu Obične pijanosti, nije bila bitno smanjena. Naime, iz nalaza i mišljenja vještaka medicinske struke G. dr. P. specijaliste za nervne i duševne bolesti proizilazi da je optuženi G. A. osoba priosjećih intelektualnih sposobnosti, što znači a nema Zaostalog duševnog razvoja. Kod njega nisu nadjene psihopatološki fenomeni koji bi upućivali da je bolovao ranije, u vrijeme kada se dogodilo krivično djelo ili da sada boluje od trajene ili prolazne duševne bolesti testirane psihičke funkcije, karakterološke osobine i način ponašanja ne ukazuju na aberaciju u smislu Poremećaja ličnosti – psihopatije. Nije toksikomanski zavisian od alkohola ili drugih psihoaktivnih supstanci.

Sud je nalaz i mišljenje vještaka G. dr. P. prihvatio i poklonio mu vjeru sobzirom da se radi o vještaku sa dugogodišnjim iskustvom u davanju ovavih nalaza i mišljenja i sobzirom na ovakav nalaz i mišljenje vještaka nisu imali primjedbi ni stranke, a ni branilac optuženog.

Imajući u vidu svrhu kažnjavanja iz člana 42. Krivičnog zakona Brčko distrikta Bosne i Hercegovine, sud je optuženog za počinjeno produženo krivično djelo – izazivanje nacionalne, rasne i vjerske mržnje, razdora ili netrpeljivosti – iz člana 160. stav 2. u vezi sa stavom 1. Krivičnog zakona Brčko distrikta Bosne i Hercegovine osudio na kaznu zatvora u trajanju od jedne godine, pri tome cijeneći sve olakšavajuće i otežavajuće okolnosti koje stoje na strani optuženog.

Od olakšavajućih okolnosti na strani optuženog, sud je cijenio da se radi o mladjem licu, da je priznao izvršenje krivičnog djela, dok je od otežavajućih okolnosti na njegovoj strani cijenio težinu počinjenog krivičnog djela, te da je prilikom izvršenja krivičnog djela zloupotrijebio maloljetne učenike Osnovne škole.

Sud je uvjerenja da je izrečena kazna srazmjerna stepenu krivične odgovornosti optuženog i da se sa blažom kaznom ne bi ostvarila svrha kažnjavanja kada se ima u vidu da je izvršenje krivičnih djela koje je optuženom stavljeno na teret u porastu i da će se istom ostvariti specijalna i generalna prevencija.

Kako je optuženi B. A. proveo u pritvoru od 09.10.2009.godine do 04.11.2009.godine, sud mu je u izrečenu kaznu zatvora uračunao provedeno vrijeme u pritvoru, a na osnovu člana 57. Krivičnog zakona Brčko distrikta Bosne i Hercegovine.

Sud je od optuženog G. A. izvršio oduzimanje šest komada letaka formata A4 sa natpisom uvredljivog sadržaja, a kao predmeta koji su upotrijebljeni za izvršenje krivičnog djela, jer je oduzimanje istih obavezno po Zakonu, a na osnovu člana 78. Krivičnog zakona Brčko distrikta Bosne i Hercegovine.

Sud je optuženog obavezao da plati troškove krivičnog postupka u iznosu od 766,00 KM, koji se odnose na troškove vještačenja po vještacima G. dr. P. i vještaku B. Z., te da plati paušal u iznosu od 100,00 KM što je, po ocjeni suda, srazmjerno dužini trajanja krivičnog

postupka, složenosti krivičnog predmeta i imovnom stanju optuženog, a na osnovu člana 188. stav 1. Zakona o krivičnom postupku Brčko distrikta Bosne i Hercegovine.

Sud je optuženog obavezao da na ime imovinsko pravnog zahtjeva kao i naknade štete isplati oštećenom Medžlisu Islamske zajednice Brčko iznos od 1.643,82 KM, jer je prihvatio nalaz i mišljenje vještaka građevinske struke B. Z. o visini štete pričinjene krivičnim djelom, a na osnovu člana 198. stav 3. Zakona o krivičnom postupku Brčko distrikta Bosne i Hercegovine.

Zapisničar,

Bradonjić Nada

S u d i j a,

Avdić Muhamed

POUKA: Protiv ove presude može se izjaviti žalba Apelacionom sudu Brčko distrikta Bosne i Hercegovine u roku od 15 dana od dana prijema iste, a putem ovog suda.